



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

თბილისის ოლქი

თბილისის ოლქი, ადმინისტრაციულ-ტერიტორიული ერთეული საქართველოს სსრ-ში. შეიქმნა 1929 წ. 21 აგვ. საქართველოს ცენტრ. აღმასრ. კომიტეტისა და საქართველოს სსრ სახკომსაბჭოს 1929 წ. 11 ივლ. დადგენილებით ახ. აღმ.-ტერ. დაყოფის შესახებ. მის შემადგენლობაში შედიოდა ქვემო ქართლი (ყოფილი თბილისის მაზრის ჩრდ. ნაწილი, ქვემო ქართლის სამხრ. მხარე, ბორჩალოს მაზრა), გარეკახეთი, შიდა ქართლის მცირე მონაკვეთი – მცხეთის რ-ნი, ყოფ. დუშეთის მაზრა და ყოფ. თიანეთის მაზრის ცენტრ. მხარე – ერწო-თიანეთის ტერიტორია.

თ. ო-ში ცხოვრობდა 146895 კომლი და 613 189 სული. ეროვნ. შემადგენლობის მხრივ თ. ო. ასე გამოიყურებოდა: ქართველები – 254408, სომხები – 148482, თურქები (აზერბაიჯანელები) – 72986, რუსები – 55719, ბერძნები – 31512, გერმანელები – 14413, დანარჩენები – 41259 სული.

ქვეყნის ოლქებად დაყოფის სისტემამ არ გაამართლა, ვინაიდან იგი არ შეესაბამებოდა ე. წ. კომუნისტური „დიადი გარდატეხის“ ახალ სოც.-ეკონ. ამოცანებს. სკკპ XVI ყრილობის გადაწყვეტილებათა თანახმად, საქ. კომპარტიის ცენტრ. კომიტეტმა 1930 წ. 15 ივნისს გამოიტანა დადგენილება საქართველოში ოლქების და მაზრების გაუქმებისა და ქვეყნის ახ. აღმ.-ტერიტ. ერთეულებად – რაიონებად დაყოფის შესახებ. 1930 წ. ოქტ. დასაწყისში თ. ო. გაუქმდა.

1951 წ. 5 ნოემბერს კვლავ შეიქმნა თ. ო. შემდეგი შემადგენლობით: თბილისი (რესპ. დაქვემდებარების ქალაქად მისი დატოვებით), ქ-ები: გორი, რუსთავი და ადიგენის, ახალციხის, ახალქალაქის, ახმეტის, ასპინძის, ბოგდანოვკის, ბოლნისის, ბორჯომის,

გარდაბნის, გორის, გურჯაანის, დმანისის, დუშეთის, ყაზბეგის, ქარელის, კასპის, ჯავახეთის, ყვარლის, ლაგოდეხის, მარნეულის, მცხეთის, საგარეჯოს, სიღნაღის, თელავის, თეთრიწყაროს, თიანეთის, ხაშურის, წალკისა და წითელწყაროს რ-ნები.

თ. ო-მა მთელი აღმ. საქართველოს და სამხრ. საქართველოს ორი რეგიონი (სამცხე-ჯავახეთი) მოიცვა. აღდგენილმა თ. ო-მა ერთ წელზე მეტხანს ვერ იარსება, რესპუბლიკის ოლქებად (თბილისის და ქუთაისის) დაყოფამ აშკარად ვერ გაამართლა, ისინი ზედმეტად აღმ. ერთეულებს წარმოადგენდნენ. 1953 წ. აპრილში თ. ო. გაუქმდა.

ლიტ.: საქართველოს ისტორია XIX ს. 90-იანი წლებიდან დღემდე, თბ., 1984.

8. ცინცაძე
